


# 1 Toradh Airgeadais an Stáitchiste maidir le 2014

- 1.1 Íoctar fáiltas uile an Stáit isteach i Lárchiste an Stáitchiste mura gcinntear a mhalairt de réir dlí.<sup>1</sup> Folaítear le fáiltas an Lárchiste fáiltas chánach agus fáiltas ó iasachtaíocht arna gabháil ar láimh ag Gníomhaireacht Bainistíochta an Chisteáin Náisiúnta (NTMA) thar ceann an Stáit. Úsáidtear eisiúintí ón Lárchiste chun caiteachas ar sheirbhísí Stáit a mhaoiniú, agus chun fónamh a dhéanamh ar fhiachas an Stáit.
- 1.2 Cuirtear i láthair sna Cuntais Airgeadais bhliantúla na fáiltas isteach agus eisiúintí amach as an Lárchiste mar aon le sonraí a bhaineann le hiasachtaíocht NTMA agus faisnéis maidir leis na dlíteanais agus na sócmhainní áirithe atá ag an Stát. Tugtar achoimre sa tuarascáil seo ar na hidirbhearta ar an Lárchiste agus aibhsítear roinnt treochtaí lárnacha. Toisc nach n-áirítear clár comhardaithe sna Cuntais Airgeadais, leagtar amach freisin an seasamh achomair i ndáil le príomhshócmhainní agus dlíteanais ag deireadh na bliana.

## Easnamh an Stáitchiste

- 1.3 Tá an ghluaiseacht i bhfáiltas agus in eisiúintí an Lárchiste thar an tréimhse 2002 go dtí 2014 agus an barrachas nó an t-easnamh maidir le gach ceann de na blianta sin leagtha amach i Fíor 1.1. In 2014, ba ionann an t-easnamh agus €8.2 billiún, €3.3 billiún níos lú ná an t-easnamh a bhí ann in 2013.

Fíor 1.1 Fáiltas agus eisiúintí an Lárchiste agus barrachas/easnamh, 2002 go dtí 2014



<sup>1</sup> Áirítear le samplaí d'ioncam an Stáit nach n-íoctar isteach díreach sa Lárchiste fáiltas ó Árachas Sóisialach Pá-Choibhneasa a íoctar isteach sa Chiste Árachais Shóisialaigh agus fáiltas ó mhótarcháin a íoctar isteach sa Chiste Rialtais Áitiúil.

**Fíor 1.2 Comhdhéanamh Fháltais agus Eisiúintí an Lárchiste, 2010 go dtí 2014<sup>a</sup>**

<b>Fáltais</b>	<b>2010</b>	<b>2011</b>	<b>2012</b>	<b>2013</b>	<b>2014</b>
	<b>€m</b>	<b>€m</b>	<b>€m</b>	<b>€m</b>	<b>€m</b>
Ioncam cánach	31,753	34,027	36,646	37,806	41,282
Aistriú ón gCiste Rialtais Áitiúil	–	–	–	–	520
Ioncaim reatha eile	2,687	2,520	2,765	2,676	2,446
Íasachtaí/réamhíocaíochtaí arna n-aisioc <sup>b</sup>	1,043	986	1,077	1,098	4,987
Aistarraingt as an gCúlchiste Náisiúnta Pinsean	–	1,018	–	–	–
Díol Irish Life plc	–	–	–	1,301	–
Díol nótaí i mBanc na hÉireann	–	–	–	1,010	–
Díol ceadúnas fón soghluaiste	–	–	450	60	–
Fáltais ó cheadúnas an Chranchnhair Náisiúnta	–	–	–	–	405
Fáltais chaipitil eile	138	116	150	113	131
<b>lomlán na bhfáltas</b>	<b>35,621</b>	<b>38,667</b>	<b>41,088</b>	<b>44,064</b>	<b>49,771</b>
<b>Eisiúintí</b>					
Eisiúintí i gcomhair caiteachas a vótáladh	46,434	45,711	44,950	43,072	42,224
Fónamh an fhiachais náisiúnta	3,619	4,736	5,823	7,459	7,579
Ranníocaíocht le buiséad AE	1,352	1,350	1,393	1,726	1,685
Coimisiún an Oireachtais	103	130	105	101	101
Scairchaipiteal arna fháil i mbainc	725	2,300	1,300	–	–
Íocaíochtaí athchaipitilthe banc	–	5,268	–	–	–
Íocaíochtaí faoin Acht um Fhorais Chreidmheasa (Tacaíocht Airgeadais), 2008	–	–	–	1,035	75
Aisíocaíocht nótaí gealltanais	–	3,085	25	25	25
Ranníocaíocht chaipitil do Uisce Éireann	–	–	–	–	407
Aistriú fháltais na Cánach Maoine Áitiúla chuig an gCiste Rialtais Áitiúil	–	–	–	–	484
Ranníocaíocht chaipitil chuig an Sásra Cobhsaíochta Eorpach	–	–	510	510	255
Íocaíocht a bhaineann le Clár Margái Urrús	–	–	–	–	31
Ciste Comhar Creidmheasa	–	–	250	–	–
Íasachtaí/réamhíocaíochtaí <sup>b</sup>	1,428	1,199	1,485	1,444	4,929
Íocaíochtaí eile	105	406	139	195	165
<b>lomlán na nEisiúintí</b>	<b>53,766</b>	<b>64,185</b>	<b>55,980</b>	<b>55,567</b>	<b>57,960</b>
<b>Easnamh don bhliain</b>	<b>18,145</b>	<b>25,518</b>	<b>14,892</b>	<b>11,503</b>	<b>8,189</b>

Foinse: Cuntais Airgeadais 2010 go 2014

Nóta: a Déantar comhdhlúthú ar idirbhearta Chuntas an Státhchiste agus an Chuntais Fuascaillte Seirbhísí Caipitiúla. Tá an cuntas sin á chothabháil ag Gníomhaireacht Bainistíochta an Chisteáin Náisiúnta ar mhaithe le fónamh an fhiachais náisiúnta agus idirbhearta de ghnáthchineál baincÉireachta.

b Féach Iarscríbhinn A chun sonraí breise a fháil.

## Fáltais an Lárchiste

- 1.4** Ba ionann iomlán na bhfáltais isteach sa Lárchiste in 2014 agus €49.8 billiún. Sin méadú €5.7 billiún (13%) i gcomparáid le fáltais 2013.
- 1.5** Tá an méadú bliain ar bhliain i bhfáltais saofa de bharr méadú mór ar leibhéal aisíocaíochta iasachtaí agus réamhíocaíochtaí Státchiste. Baineann sé sin le húsáid an Lárchiste chun maoiniú sealadach a thabhairt le haghaidh an Chiste Árachais Shóisialaigh (SIF). Ba ionann na réamhíocaíochtaí a rinneadh leis an SIF agus díreach os cionn €4 billiún in 2014 i gcomparáid le €285 milliún in 2013. Nuair a fhágtar na haisíocaíochtaí sin amach as an dá bhliain, tá an méadú i bhfáltais bliain ar bhliain thart ar €2 billiún (4.5%).<sup>1</sup>

## Ioncaim reatha

- 1.6** Ba ionann cáin agus ioncaim reatha eile agus €44.2 billiún, méadú €3.8 billiún (9.3%) bliain ar bhliain.
- 1.7** Bhí an t-ioncam cánach iomlán in 2014 €3.5 billiún níos airde ná in 2013. Bhain an dá mhéadú ba mhó le fáltais ó cháin ioncaim (€1.4 billiún) agus fáltais CBL (€817 milliún).
- 1.8** Ba ionann ioncam reatha an Lárchiste nár bhain le cáin in 2014 agus €3 billiún. I measc na gcodanna suntasach bhí
- €520 milliún a íocadh leis an Státchiste ón gCiste Rialtais Áitiúil, dá bhforáiltear faoin Acht um Athchóiriú Rialtais Áitiúil 2014.<sup>2</sup>
  - €1.2 billiún in ioncam barrachais an Bhainc Ceannais in 2013 agus a íocadh isteach sa Lárchiste in 2014. Bhí leibhéal níos airde fáltais ann ná mar a bhíonn de ghnáth mar gheall ar ioncam breise bainc a bhain le bearta cobhsaithe baincéireachta.<sup>3</sup>
  - €475 milliún (€264 milliún in 2013) i ndíbhinní ó scaireanna an Stáit i raon comhlachtaí. Ba é an ESB a rinne an íocaíocht ba mhó (€269 milliún) agus Ervia (€171 milliún).<sup>4</sup>
  - €200 milliún in ús a fuarthas ar nótaí caipitil theagmhasacha a bhí á sealbhú i mbainc.
  - €179 milliún ó institiúidí creidmheasa i ndáil le táill faoin scéim Ráthaíocht Dliteanas Incháilithe Thit sé sin ó €576 milliún in 2013, i ndiaidh dheireadh a chur leis an scéim le haghaidh dliteanas nua le linn 2013.

1 Féach Caibidil 15 chun tuilleadh sonraí a fháil maidir le réamhíocaíochtaí leis an gCiste Árachas Shóisialaigh idir 2012 agus 2014.

2 Tá foráil san Acht um Athchóiriú Rialtais Áitiúil 2014 chun suas le €600 milliún a aistriú ón gCiste Rialtais Áitiúil chuig an Státchiste, ar iarratas ón Aire Airgeadais, an 31 Nollaig 2014 nó roimhe sin.

3 Tá sonraí i gCaibidil 3 faoin gcion d'ioncam an Bhainc Ceannais atá inchurtha i leith beart cobhsaithe baincéireachta.

4 Is Bord Gáis Éireann an t-ainm a bhí ar Ervia roimhe seo.

## Fáltais Chaipitil

- 1.9** Ba ionann fáltais chaipitil in 2014 agus €5.5 billiún – €1.9 billiún níos mó ná 2013.

- 1.10** Gan aisíocaíochtaí iasachtaí (lena n-áirítear réamhíocaíochtaí leis an SIF) san áireamh, ba ionann fáltais chaipitil agus €536 milliún in 2014. Bhí sé sin €1.95 billiún níos lú ná fáltais in 2013 (€2.5 billiún). Áiríodh le fáltais 2013 €2.3 billiún ó dhiúscairtí Irish Life agus infheistíocht i mBanc na hÉireann. Bhain fáltais chaipitil mhóra in 2014 le
- €405 milliún maidir le ceadúnas 20 bliain an Chrannchuir Náisiúnta
  - €115 milliún ó Chiste Forbraíochta Réigiúnaí na hEorpa (ERDF) – méadú 42% (€34.2 milliún) mar thoradh ar íocaíocht dheiridh ó Choimisiún AE maidir le dúnadh roinnt Clár Oibríochta 2000 – 2006 den ERDF.

### Eisiúintí an Lárchiste

- 1.11** Ba ionann na heisiúintí ón Lárchiste in 2014 agus €58 billiún, rud a léirigh méadú de thart ar €2.4 billiún, nó 4%, ar leibhéal 2013. Nuair a fhágtar réamhíocaíochtaí leis an gCiste Árachais Shóisialaigh ar lár, ba ionann na heisiúintí in 2014 agus €54 billiún, 2.4% níos ísle ná in 2013. I measc na gcodanna suntasach bhí
- Bhí eisiúintí ón gCiste i gcomhair seirbhísí vótáilte síos de bhreis is 2% i gcomparáid le 2013.
  - Tháinig méadú €7.6 billiún ar íocaíochtaí a bhain le fónamh iasachtaíochta arna gabháil ar láimh ag an NTMA in 2014, 2% níos airde ná mar a bhí in 2013.
  - Íocadh maoiniú caipitil de €407 milliún le hUisce Éireann.<sup>1</sup>
  - Íocadh €75 billiún ón Lárchiste in 2013 faoin Acht um Fhorais Chreidmheasa (Tacaíocht Airgeadais), 2008, i ndiaidh fhoirceannadh na Corparáide Éireanaí um Réiteach Banc Teoranta. Bhí €1,035 milliún íochta in 2013 maidir lena foirceannadh.

### Aistriú na Cánach Maoine Áitiúla

- 1.12** Bailíonn na Coimisinéirí Ioncaim an Cháin Mhaoine Áitiúil (LPT) agus aisíoctar leis an Státchiste é mar chuid d'fháltais ioncam cánach. Ag tosú in 2014, iarrtar ar an Aire Airgeadais méid a íoc atá coibhéiseach leis an LPT, lena n-áirítear aon ús a íocann cáiníocóirí i rith na bliana, ón Lárchiste chuig an gCiste Rialtais Áitiúil. As an €491 milliún d'fháltais LPT in 2014, íocadh €484 milliún leis an gCiste Rialtais Áitiúil in 2014 agus íocadh an t-iarmhéid in Eanáir 2015.

### Sásra Cobhsaíochta Eorpach

- 1.13** D'fhaomh an Sásra Cobhsaíochta Eorpach (ESM) scairbhísigh de €80.2 billiún, agus den mhéid sin iarrtar ar Éire sciar arb ionann í agus €1.274 billiún a íoc mar rannchuidiú.<sup>2</sup> I ndiaidh íocaíochta €255 milliún in Aibreán 2014, bhí gach ceann dá cuid scaireanna íochta ag Éirinn ar an dáta sin.<sup>3</sup>
- 1.14** Tá bannaí rialtais na Gréige i seilbh an Bhainc Ceannais mar chuid dá Chlár Margáí Urrús. Faoi Acht an Bhainc Cheannais, 2014, caithfidh Éire méid a íoc atá coibhéiseach leis an ioncam arna shaothrú ag an mBanc Ceannais ar an bpunann seo le cuntas arna bhunú ag an ESM. Íocfar na cistí leis an nGréig mar chúnamh airgeadais. Ní bheidh na méideanna a íocfar níos mó ná €126 milliún carnach agus íocfar go bliantúil iad idir 2014 agus 2026. Déanfar an chéad íocaíocht de €31 milliún in 2014.<sup>4</sup>

1 Féach Caibidil 11 chun tuilleadh sonraí a fháil maidir le ranníocaíochtaí caipitil le Uisce Éireann.

2 Tháinig méadú €0.3 billiún ar an scairbhísigh iomlán le héifeacht ón 1 Eanáir 2015, tar éis don Liotuáin dul isteach san ESM an 1 Eanáir 2015.

3 Tá dhá leibhéal ag baint le struchtúr caipitil an ESM. Is scairbhísigh an téarma a thugtar do bhloc tosaigh a bhíonn le híoc ag comhaltaí ESM. Déantar €622 billiún eile i gcaipiteal inghlaoite a chur in áirithe ó chomhaltaí ESM sa todhchaí.

4 Tá sé tugtha faoi deara ag an Roinn Airgeadais, i ndiaidh dhul in éag chlár cúnaimh airgeadais na Gréige an 30 Meitheamh 2015, gur chuir ballstáit limistéar an euro aistriú ioncaim 2015 ó phunann an Chláir Margáí Urrús chuig an gcuntas arna bhunú ag an ESM ar fionraí.

## **Dlíteanais agus Sócmhainní an Státchiste**

- 1.15** Ní áirítear clár comhardaithe sna cuntais airgeadais, in ainneoin na leibhéal mhóra de shócmhainní airgeadais agus de dhlíteanais Státchiste atá ann. Déantar iasachtaíocht an Státchiste a mheas i gCaibidil 2, Fiachas Rialtais.

### ***Airgead Tirim agus Sócmhainní Airgeadais***

- 1.16** Freastalaíodh ar easnamh €8.2 billiún 2014 agus ar aisíocaíochtaí glanfhiachais de €653 milliún sa bhliain trí chistí arna sealbhú ag tús na bliana. Mar thoradh air sin, thit iarmhéideanna i gcuntas an Státchiste ag an mBanc Ceannais agus sócmhainní airgeadais eile an Státchiste de bheagán os cionn 37% in 2014 (féach Fíor 1.3)Fíor 1.3.
- 1.17** Ag deireadh 2014, ba é an t-iarmhéid ar chuntas an Státchiste sa Bhanc Ceannais ná €4.1 billiún, laghdú €300 milliún ar an iarmhéid a bhí ann ag deireadh 2013. Thar an tréimhse chéanna, thit an t-iarmhéid de thaiscí an Státchiste i mbainc thráchtála (lena n-áirítear taiscí comhthabhairthe agus comhaontuithe athcheannaigh trí-pháirtí) 50%, ó dhíreach os cionn €11 billiún go dtí €5.5 billiún.<sup>1</sup>

<sup>1</sup> Féach Caibidil 2 ar Fhiachas Rialtais chun tuilleadh sonraí a fháil maidir le comhaontuithe athcheannaigh trí-pháirtí.

**Fíor 1.3 Gluaiseachtaí in airgead tirim agus in iarmhéideanna sócmhainní airgeadais an Státhchiste, 2010 go dtí 2014**

<b>Gluaiseachtaí in airgead an Státhchiste</b>					
	<b>2010</b>	<b>2011</b>	<b>2012</b>	<b>2013</b>	<b>2014</b>
	<b>€m</b>	<b>€m</b>	<b>€m</b>	<b>€m</b>	<b>€m</b>
<b>Iarmhéid ag 1 Eanáir</b>	<b>21,816</b>	<b>16,164</b>	<b>17,692</b>	<b>23,850</b>	<b>23,601</b>
<b>Gluaiseacht sa bhliain</b>					
Glan-iasachtaíocht/ (aisíocaíocht) an Státhchiste sa bhliain <sup>a</sup>	12,493	27,046	21,050	11,254	(653)
(Easnamh) Státhchiste	(18,145)	(25,518)	(14,892)	(11,503)	(8,189)
<b>Iarmhéid ag 31 Nollaig</b>	<b>16,164</b>	<b>17,692</b>	<b>23,850</b>	<b>23,601</b>	<b>14,759</b>

**Iomlán airgead tirim agus sócmhainní airgeadais**

	<b>2010</b>	<b>2011</b>	<b>2012</b>	<b>2013</b>	<b>2014</b>
	<b>€m</b>	<b>€m</b>	<b>€m</b>	<b>€m</b>	<b>€m</b>
Cuntas Státhchiste sa Bhanc Ceannais	11,399	13,099	15,280	4,432	4,089
An Cuntas Fuascailte Seirbhísí Caipitiúla <sup>b</sup>	600	–	–	–	–
Taiscí bainc <sup>c</sup>	580	30	3,020	11,068	5,540
Billí státhchiste Neamh-Éireannach	–	–	1,045	3,041	1,474
Iasachtaí leis an nGníomhaireacht Airgeadais do Thithe	3,585	3,848	3,982	3,704	3,145
Maoiniú comhthaobhach	–	715	523	1,356	511
<b>Iarmhéid ag 31 Nollaig</b>	<b>16,164</b>	<b>17,692</b>	<b>23,850</b>	<b>23,601</b>	<b>14,759</b>

Foinse: Cuntais Airgeadais 2010 go 2014

Nótaí: a Ní áirítear le 2012 agus 2013 eisiúintí banna rialtais de €3.5 billiún chun costas íocaíocht an nóta gealltanais de €3.06 billiún leis an gCorparáid Éireannach um Réiteach Banc Teoranta a sheasamh, agus bannaí ar ráta comhlúthach díreach os cionn €25 billiún arna n-eisiúint chun teacht in ionad nótaí gealltanais na Corparáide Éireannaí um Réiteach Banc Teoranta.


b Bhí an t-iarmhéid sa chuntas ag deireadh na bliana níos lú ná €500,000 i ngach bliain, cé is moite de 2010.

c Áirítear leis taiscí comhthaobhaithe agus comhaontuithe athcheannaigh trí-pháirtí.

**Iasachtaí agus Réamhíocaíochtaí an Státhchiste**

- 1.18** Bhí iasachtaí agus réamhíocaíochtaí arna soláthar ón Lárchiste, agus a bhí le híoc ag deireadh 2014, comhdhéanta de iasachtaí €3.1 billiún leis an nGníomhaireacht Airgeadais do Thithe agus iasachtaí eile arbh fhiú €2.13 billiún iad. Taispeántar i Fíor 1.4 na hiarmhéideanna gan íoc maidir leis na mórchatagóirí iasachtaí agus réamhíocaíochtaí ag deireadh na bliana.

**Fíor 1.4 Iarmhéideanna deireadh bliana ar iasachtaí agus réamhíocaíochtaí an Lárchiste, 2009 go 2014**



Foinse: Cuntais Airgeadais 2009 go 2014

**Iarscríbhinn A Iasachtaí agus Réamhíocaíochtaí, 2011 go 2014**

	2011	2012	2013	2014
	€m	€m	€m	€m
<b>An Ghníomhaireacht Airgeadais do Thithe</b>				
Iarmhéid tosaigh	3,585	3,848	3,982	3,704
Glanghluaiseacht sa bhliain	263	134	(278)	(559)
Iarmhéid deiridh	3,848	3,982	3,704	3,145
<b>An Ciste Eorpach um Ráthaíocht Talmhaíochta</b>				
Iarmhéid tosaigh	673	720	730	715
Aisíocaíochtaí	(673)	(720)	(730)	(715)
Iasachtaí arna n-eisiúint	720	730	715	677
Iarmhéid deiridh	720	730	715	677
<b>Ciste Árachais Shóisialaigh</b>				
Iarmhéid tosaigh	110	55	–	15
Aisíocaíochtaí	(254)	(355)	(285)	(4,015)
Réamhíocaíochtaí	199	300	300	4,000
Iarmhéid deiridh	55	–	15	–
<b>An Ciste Cúitimh Árachais</b>				
Iarmhéid tosaigh	–	280	735	933
Aisíocaíochtaí	–	–	–	(100)
Iasachtaí arna n-eisiúint	280	455	198	–
Iarmhéid deiridh	280	735	933	833
<b>Tacaíocht chobhsaíochta AE don Ghréig</b>				
Iarmhéid tosaigh	346	346	346	346
Aisíocaíochtaí	–	–	–	–
Iasachtaí arna n-eisiúint	–	–	–	–
Iarmhéid deiridh	346	346	346	346
<b>Uisce Éireann</b>				
Iarmhéid tosaigh	–	–	–	–
Aisíocaíochtaí	–	–	–	–
Iasachtaí arna n-eisiúint	–	–	–	54
Iarmhéid deiridh	–	–	–	54
<b>Eile <sup>a</sup></b>				
Iarmhéid tosaigh	49	19 <sup>b</sup>	17	165
Aisíocaíochtaí	(59)	(2)	(83)	(157)
Iasachtaí arna n-eisiúint	–	–	231	198
Iarmhéid deiridh	(10)	17	165	206

Foinse: Cuntais Airgeadais 2011 go 2014

Nótaí: a Cuimsítear in Eile iasachtaí/réamhíocaíochtaí a aisíocadh agus a eisíodh maidir le NAMA, an Ciste um Chothromú Fiontar, an Ciste Iasachtaí Áitiúil agus réamhíocaíochtaí tuarastail chuig/ó chuntas soláthair PMG.

b Athluadh an t-iarmhéid tosaigh a bhain leis an gCiste Iasachtaí Áitiúil le haghaidh 2012 mar gheall ar díscaoileadh Ulysses Plc, uirlis urrúisithe maidir le hiasachtaí áitiúla.

### ***Ciste Árachais Shóisialaigh***

Réamhíoctar cistí leis an gCiste Árachais Shóisialaigh ar bhonn míosúil agus déantar iad a aisíoc leis an Lárchiste ina dhiaidh sin. In 2014, ba ionann iomlán na n-aisíocaíochtaí agus €4.015 billiún. Bhain na haisíocaíochtaí le hiasachtaí €4 billiún in 2014 agus iarmhéid gan íoc de €15 milliún a bhain le hiasacht 2013. Ag deireadh 2014, bhí iarmhéid neamhní gan íoc.

### ***Cuntas Soláthair PMG***

Toisc nach raibh aon chórais imréitigh bainc ar fáil ar Déardaoin 1 Eanáir 2015, rinneadh foráil faoi Alt 3 den Acht Leithreasa 2013 ionas go ndéanfaí réamhíocaíochtaí ón Lárchiste chuig cuntas soláthair an Phámháistir Ghinearálta d'fhonn airgead a chur i gcuntais bhainc thráchtála le haghaidh tuarastail a bhí le híoc ó airgead vótáilte ar an Déardaoin 2 Eanáir 2015. Aisíocadh réamhíocaíochtaí díreach os cionn €198 milliún a rinneadh i mí na Nollag 2014 leis an Lárchiste i mí Eanáir 2015.

### ***An Ciste Cúitimh Árachais***

Bhí €933 milliún réamhíochta leis an gCiste Cúitimh Árachais faoi dheireadh 2013. Aisíocadh €100 milliún leis an Lárchiste in 2014, i ndiaidh chinneadh an Aire Airgeadais go raibh sé ar chumas an Chiste Cúitimh Árachais an tsuim sin a aisíoc, rud a d'fhág iarmhéid gan íoc de €833 milliún ar an dáta sin.

